

周忠介公燼餘集



19884

周忠介公燼餘集

周順昌撰

中華書局

叢書集成初編

周忠介公燼餘集

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五

周忠介公燼餘集

此據借月山房彙
鈔本排印初編各
叢書僅有此本

四庫全書提要

燼餘集三卷。明周順昌撰。順昌字景文。號蓼洲。吳縣人。萬曆癸丑進士。官至吏部文選司郎中。以忤魏忠賢爲所羅織。逮治拷掠。殺之於獄。崇禎初。追謚忠介。事蹟具明史本傳。初順昌被逮時。篋衍著作頗多。倉卒間。爲友人投火滅迹。後其子茂蘭。遇片紙隻字。必摹而勒之石。至其孫靖。復從戚友家搜錄成集。故名燼餘。凡三卷。一卷爲紀事公移。二卷爲尺牘。三卷爲雜文及詩。而以尋聲譜附焉。尋聲譜者。當萬曆乙卯。順昌在園中。常以詩扇寄鹿善繼。其後扇失。而詩猶爲馬潔所記憶。崇禎甲戌。善繼與潔暨孫奇逢輩。錄而爲譜。國朝康熙間。奇逢門人湯斌。巡撫江蘇。以譜貽靖。附刻集後。詳見靖跋語中。順昌氣節蓋世。本不以文章見長。且收拾於灰滅之餘。大抵案牘簡削。隨手酬應之文。非所經意。然其隱憂國事。崇尚名檢。忠憤激發之氣。時流露於楮墨間。尙足以廉頑立懦。區區題扇一詩。異代且珍重傳之。則是集什一僅存。固未可聽其湮沒矣。

周忠介公燼餘集目錄

卷一

福州高璫紀事

卷二

書 十九首

卷三

序 一首

詩 十首

卷四 附錄

年譜

開讀本末

鳴冤疏

端孝先生傳

五人傳

周忠介公燼餘集

目錄

周忠介公燼餘集卷一

福州高璫紀事

明 周順昌景文撰

余以踽涼之行承乏三山司李。昕夕飲冰。甫百日。覩稅監殊橫。自愧官卑弗克制。勃然動拂衣想。稽之會典。外臣乞休竟休矣。功名塵土。富貴浮雲。壯夫寧借簪紱爲榮。沉思終日。不得奉養先人於今日。悲痛萬千。悻悻乞休。未邀天子一命榮親。是實人子未酬至願。庶幾改教。存古人避地之遺風。遂備文申請。不得請。再而三。終不得也。守土者不能委而去之。低徊勉強。留飲冰愈甚。鄉之親友。悉聽未悉。魚書盈篋。一事無容各答。謹述當日情形。使故人見之。謂此生軀強猶昔。毋負相期之意云。癸丑歲除。始至古榕城。吏之掌行禮者。白所應參謁。輒曰。應先拜內監高。詢之舊例。疇昔皆以自來太府先之。余默然良久。吏曰。內監監稅茲土。十有六年。院藩臬府及縣。暨諸董戎事者。疇弗與交歡。何獨絕之。且內監開旌節賁臨。治具以需。將致賀展殷勤。余大笑抗聲曰。余始至。若弗余知。以余爲何如人。竟弗往。吾鄉有擅輶鈴偕蒞茲土者。曰朱蠶。吾內監數數遣人致意。不獲已。向余從容言。監府笑而必不先也。余謂刑餘之人。與地方官原不相涉。終弗去。內監以爲異。聞之當道。當道往往微示其旨。余實陳當道。當道亦未嘗以余迂執爲非。高桀之流毒於閩粵甚。其爪牙之囓人者。爲巡欄百戶馬仕騏。當道皆鑒之。巡撫袁公素稱寬弘端亮君子。百

姓特以保障。公念翦惡先翦其翼。俾余密擒。內監恨馬百戶就擒。唯是周司李恨甚。余弗顧。季春上旬。攝閩縣篆。邑中若金珠米木各行。紛紛控告。謂稅監掠取其貨。累月窮年。價莫給與。余以此等景象。匪直民憂。實長民者之憂。稅監犯衆怒。一旦激變。可若何。曲圖所以恤苦。弭釁。爲之計長久。思盡革諸行。如吾郡故事。參酌未定。於四月十一日薄暮。聞諸行戶踵監門哀鳴求直。監誘入。閩門盡繫之。百端魚肉。赴援者蟻聚於外。發箭揮刀。被髮流血者皆是也。嗟乎小民哀求不得直。反以刀矢相加。公憤交激。解之不能散。稅監恐懼。乃身登峻閣。火箭雨集。烈焰耀天。悲聲動地。府縣奉院司道令。遣兵合救。夜半始息。然民廬化作飛灰。已三十餘家。詰朝告被傷被殺被災者比比也。已刻見撫院袁公言稅監兇橫。當與按君參之。余聞言心肯。午後歸館。方清理案牘。急報內監突然開門。橫刀策馬。小衣背勅。隨梟勇家奴數十輩。各操利刃。疾馳軍門。太府喻公以親乞歸在告。聞之駭甚。急偕僚屬赴援。內監與都院最近。臬司閩司次之。藩司遠矣。府更遠。趨至軍門。則稅監諸兇斬關直入內垣。袁公二子侍師側俱被執。袁公驚出。稅監臨以匕首。并挾出轅門。擁入憲臺別署。吾鄉屯道李公思誠。兵道呂公純如。及閩司先至。府縣官僚與董戎事者。次至。稅監仍挾袁公手示禁戢軍民。然後送公暨二子回院。兩道尊以內監肆橫。奉命來閩。無暇周計。偕閩司步送歸署。同寅三府翼公勸余隨行。余曰不可。袁公既回院。余且返與太府商之。此行藏諸計。內監果留兩道爲卜夜飲。是夕。余先捕兇黨之執刀失墜者三人。昇府獄。漏已四徹。復昇閩縣者亦三人。皆兇黨至戚。稅監慮奴輩必罹重刑。挾勢令兩道釋囚。許之。釋囚治衣帽送還。謁兵道於監府。獨余未與。稅監果

留海防鄧公以代。嗣後呂李兩公屢論三府諸首領及指揮遞相代易。監不許火之夜。有被傷死者四人。內外各二。稅監妄謂內二人爲本監奴子。時兵道未出。令兩縣具棺進斂。兵道乃出。十四日。稅監僞役三十人持檄下府與捕館及兩縣。反以放火殺人。乘機劫財。移殃於民。欲追捕。延平司李鄒公維璉檄來。余開而讀之。不覺奮衣振起。舉茶甌擲地曰。異哉鄒公之爲見也。今日之事。全以鎮撫地方爲主。此檄一行。變不在稅監。將在地方。罪不獨在地方。將在守土。且撫院之疏。不幾虛乎。余弗行。并力阻館若縣。時龔公執兩人囚禁。云獲稅監之鹿皮者。方欲解道。民大騷動。余都釋之。民心乃安。余鬱鬱抱憤。適直指憲檄督以申報殺人放火緣由。遂據實呈詳。其間多微詞。閱者訝其直也。余萌浩然歸志。閱日。兩道欲令縣爲稅監脩門葺牆。余終不承命。二守陳公出揭相迫。余獨坐靜思。兩道尊與陳公責我。以有此縣篆耳。不如封之時。四月十七日也。余居鄉於交誼不薄。於僚友豈獨惓然。二守陳公之赴內監。慷慨赴難。未遑深計。陳公被留。家人向隅。愛子乞援。狐兔之悲。有情者誰復能遣。矧太府喻公堅意首邱。海防鄧公戒嚴守汛。凌晨聞署。落落晨星。令人感慨無已。十八日。以改教請。二十一日。送喻公於芋原。公固長者。與余最相得。別緒黯然。歸館杜門候題。卽擬束空囊東向。袁公令侯官金大尹及吾鄉朱總戎持手書來慰留。真切。呂公亦貽札以留。三請竟不得。復以府篆委署。自後守三緘之戒。不復談天下事矣。時鄉紳與當事議欲與稅監調停。余以調停二字。殊非美名。從中撓之。愼餘未能好盡多過。則余之謂矣。彼稅監奇惡山積。具載兩院疏中。師相臺諫諸公之疏尤章章也。按臺以考察閱操兩大事。命三司諭稅監出陳二守不聽。會證詔

將臨。復嚴諭速出迎詔。竟置罔聞。其悖逆至是。他奚論耶。處變之道有三。銷變於未變爲最。應變於臨變而得正者上。也。既變而善挽之。猶足翼天下正氣。若夫借恬靜爲福。恐致大變爲詞。是或一道。吾未之知也。今日惟是恪共乃職。靜聽聖明處分。天下事固匪一人所獨裁也。還對三山。轉自笑復自媿矣。孟秋朔日漫記。


申詳稅監變異緣由附後

福州府閩縣爲出巡事。本年四月十六日。蒙按察司憲牌。本月十六日。據本司經歷司呈。蒙巡按福建監察御史徐憲牌。照得本院按臨所至地方。凡有事變情形。無論大小。俱要據實具報。查本月十一日。各行赴稅監取價不與。因而羣聚鼓噪。是晚火發。且至延燒民居及臨街牌坊。至次日。又有一番異變。該府縣巡捕等官。何不登時具報。疎玩實甚。備牌仰司呈堂。卽行該縣府并捕館。速將前項事情。備細具繇速報。仍查各官緣何不報。一并詳奪等因。抄呈到司。蒙此備牌。仰縣官吏照依事理。速將十一、十二日異變事情。據實備細具由。限次日申報本司。以憑類報。其該衛縣巡捕官。當日因何不報。若此疎玩。一并究詳。轉詳施行等因。到縣。蒙此。查得本年四月十一日。申牌時分。忽據馬夫謝貴急報。本地方鋪行匠作諸色人等。因在稅監告討久欠價銀。反被閉門殺傷。見在激變等情。卑職不勝駭愕。疾赴前視。候官縣知縣金元嘉亦偕往本監門首。本府知府喻同知陳通判襲同時彙集。此時軍民千萬爲擁。肩摩衽接。道不得行。所見中有被傷者。或揮涕拊膺。或流血被面。或帶箭鳥驚。或踰牆鼠竄。人情洶洶。

悲憤交極。詢其釐端。云係稅監狠心虎口。肆毒無已。特威逼取各行。若米若金及諸物。價總計百千。久不肯給。痛思小民本微力薄。朝夕販賣以餬口。舉家老幼嗷嗷以待。乃累月曠歲。索之茫然。情不能堪。勢不及俟。不得已各自踵門告哀乞憐。反觸其怒。閉戶逞兇。挾鉤弩。操利刃。忍心慘殺。逃出者重傷可。壁。銅內者難保全。身此衆索還欠價。皆爲網中之魚。衆姓求生。奚忍不相償也。職等仍再三撫慰。問。見民房一時火起。頃之烟燄障天。室廬財產。化作飛灰。老幼男女。號慟不可勝紀。職等倉皇遣救。及奉。撫按兩院。各司道。連發憲牌。調兵合救。自初更至三更。火始得熄。職等方各回本衙門。守護庫獄。至十。二日。隨據本縣巡捕典史洪世法呈稱。據巡街應捕張龍稱。本月十一日晚。本縣安泰橋鋪稅監府中。將火箭射出。延燒軍牢房一十六間。民房二十九間。及燒丙辰進士。并經國裕民牌坊共二座。拆毀民。房一十八間。該監衙門未曾延及等情。到縣。據居民鄭欽等一十八人連名呈爲。訴救慘殃事。欽等。良民家居內監府前。於本月十一日夜。痛遭內監人役。攻驅衆行領價。威用火箭亂射。欽等房屋。然燒。赤地無餘。男女匍匐逃生。家資產業。煨燼一空。露宿飢寒。懇憐赤子無辜毒害。原非天災。實由虐禍等。情。又據鄭國欽投爲急救財命事。欽因向住內監府邊。賣布爲活。本月十一日。陡遭各行討價。威用火。箭。先焚房屋二間。貨物七百餘兩。悉皆煨燼。命懸財散等情。又據連僉具呈人張心等四十四人。爲。訴。救慘殃事。心等係內監府對門住民。於十一日夜。痛遭內監人役攻驅各行領價。放火。然燒房屋。財物。一空等情。又據連僉具呈人姚肖等八人。爲。訴。救慘殃事。肖等係內監府左邊。一列連居。禍慘十一日。

晚被監然燒。幸肖等力救苟免。痛男姚夏。屋上運水救火。遭棍徑射。疑箭男中一箭。咽喉受傷。又有鄭四等亦在屋上相救。復被棍刀打傷。體無完膚。財散人離等情。各訴到縣。又據馬夫報得被傷民數。銅行朱鐸刀傷腦。据木行權少山蔡廷機。蟾魚行陳一郎。炭行周一章。謝廷祖。利刀傷面。鐵匠潘六民。謝應順。各刀傷頭。民張公治。箭傷喉。董九。箭傷眼眶。餘未報。不及細查外。此俱于係地方各行戶遭變事情。合行通報兩院司道照詳。正在備文間。本日本未初時分。又據馬夫李秀急報稱。稅監突然開門騎馬行出。小衣背救。手持大刀。帶隨梟勇家奴數十人。各持鋒利刀槍。前後擁衛。急赴軍門去訖。職等驚駭。府縣各官俱急趨至軍門。本監已破門入內堂矣。俄而本監持刀逼挾軍門與公子同出。至憲署署內。屯道李。兵道呂。并兩都司齊到。陪勸解釋。方請軍門回院訖。本監隨挾兩道同行送歸。留茶閉門。時已黃昏矣。更深時候。續奉軍門拿獲行兇稅棍周聰。徐文。朱朝臣三名。發下閩縣收監外。至四更二點時分。本監開門送出屯道。仍留兵道在內。至十三日辰時。本府襲通判。以奉兩道面諭到縣。將原發監犯三名取出。給賞新衣帽。送還本監。本日本未時。又蒙屯道於軍門前令運府縣官遵依。前謁兵道。當蒙本道責令本府同知陳豸相代。該監即將同知拘留。始送出兵道。彼時卑職實未同進。不敢欺昧。續又屯兵兩道諭令襲通判姚經歷孫知事。節次進換。該監不允。陳同知至今拘留在內。此係前兩日事情。應卽一并通詳。緣被傷身死實有四人。有云均係良民。有云內有本監二人。一係本監自殺。一係病死。先蒙兵備道在本監衙門內。諭令兩縣急備尸棺二具。送進裝斂訖。又奉兵備道憲牌。爲地方事。照得稅

盤積惡。虧損各行物價。自有兩院司道替小民作主。何得聚衆攻門圍屋。放火傷人。且查攻門放火者。原非有身家各鋪行。俱係游手市棍。意在乘機劫財耳。如此亂民。漸不可長。除稅監聽兩院會題請旨。撤回外。所有放火傷人倡亂首惡。相應訪拿。爲此牌仰縣官吏卽密訪。十一日晚放火。十二日傷人。糾衆行兇首惡的確姓名。擒拿解道。以憑處治。若復再爲姑息。置之不問。成何法紀。成何世界。其各街鋪甲。因何不收斂閒人。聽其羣聚撒潑。巡捕官仍嚴行曉諭遵守。毋容玩違等因。到縣蒙此。因查火發根由。及報單所開被傷姓名。未有的確。議論紛紛。難以專擅。正在遲疑。今奉憲牌前來。卑職不敢依違。理合從實備細。通行申報。爲此除申兩院照詳外。今將前項緣由具申。伏乞照詳施行。須至申者。



周忠介公燼餘集卷二

與朱德升孝廉書

游關分袂。節序倏更。獨坐靜思。長安花不如故園柳。三百五十人中。未知肝膽誰是。何如二三知己。連牀夜話。上下千古哉。南望迢迢。覺鳥啼雲散。俱足增故舊之思。欲以微醉解之。苦不能酒。惟啜清茶數杯。伏枕求睡。夢中所見。或祖父聲容。或相知歌嘯。獨牽衣畫眉之態不存耳。醒來益令人百端交集。語云。晝思夜結。良然良然。別後情景。大槩可想。今科繁費稍減。更加弟之省約。亦需得二百金。無門可貸爲苦。積習使然。第一人不能頓革陋習。可奈何。月中分兵部觀政。殊無政可觀。不過作揖打恭升堂畫卯而已。天下事之虛文相蒙者多類是。間中接邸報閱之。見朝中士大夫議論互爭不一。卽一南畿學使。甫推浙按。彈章隨至矣。福王請封復緩。邊庭告急日甚。有志者得不深杞人之憂乎。漫以書生當局。共籌邊治河大政。無論問以簿書錢穀之數。天下幾何。茫然不能對。始知書不可不多讀。平日止爲入股。徒做一不識時務進士。良可笑也。弟職應司李。展閱大明律一卷。深文刻字。多所未諳。讀書不讀律。致君終無術。兩言非浪語。最恨方今仕途如市。入仕者如往市中貿易。計美惡。計大小。計貧富。計遲速。弟今日正委吏乘田。東西南北唯命之日。宜信心做去。美惡貧富升沉遲速何所不可。當知銀子取不盡。好官做不盡。去角子齒。兩足四翼。造物自定數。安用營營爲哉。倖叨一第。不敢云報國。固窮二字。原吾輩本來面目。并此而喪。何以

自立弟孤苦艱辛。往年備歷。幕富幕貴。一生痛恨。幸得一抔土。寧祖宗魂魄。志願畢矣。富厚策肥。大非吾念。此弟可自信。知己亦可信。弟者也。先儒云。學者不可把第一等事。讓別人做。又謂惟澹可以從儉。惟儉可以養廉。有味哉。嘗以此言示同事者。不謂迂則謂矯。弟所甘心。獨怪世之不爲迂不爲矯。衆亦相顧大笑。意氣相期。孰如吾五人。於合勝中。偶得一真士。相合尤奇。辭部日。耳目甚衆。彼獨以白鬚挺立於家。辛前了無退避。無不拊掌。弟謂諸兄。人身那一件不著假。此兄尤犯仕途大忌。何以獨真。烏鬚藥豈少哉。實是血性男子。急訪之。乃丙午科鹿善繼也。雅負北方人望。弟卽笑問。渠亦駭。遂過我。竟日揚摧千載。抵掌時事。言朗朗可聽。一種熱腸勁骨。布衣蔬食之志。視吾五人無異。勿謂燕市中無荆卿高漸離也。竟代四知己訂交矣。四知己亦爲快心否。百餘日不得一晤。幾成鬱結。一夕風雨。破窗亂入。愁不能寐。伸筆書之。不自知言之長也。青蓮云。長安如夢裏。何日得歸期。讀之黯然。合宅清嘉如昔。三老伯僅以空函問候。曷勝媿汗。四月二十日。弟昌拜。

與朱德升書二

顧闕若行。有八行寄上。弟宦游景况。如斯而已。稅監奉旨撤回。士氣大伸。國法大振。使臣子感恩無地。不謂猛虎尙爾負嵎。戈矛忽與同室。松陵之所以爲難。大率以廩糈一申。禁監役一示也。夫廩糈設以供稅監。非以供罪監也。道尊代索。以爲異事。弟具申文。明知非自全之道。但壯心易激。熱腸難換。以此吐吾輩之氣耳。院司道俱云。與之爲權。不與爲正。不知權非聖人不能用。弟能言而不能行。媿恨至極。八月十四

日有海道中軍徐大用。指松陵名送監棍。告詞於龔糧館。口稱呂爺。著館追還原物。糧館不敢論是非。大半捕民到署追理。所捕之民。又奄奄一病夫也。弟聞之。急往問。龔公以事涉兩難。攢眉蹙額。問計於弟。弟曰。名義至重。鬼神難欺。吾輩在地方。唯知有百姓。前以監棍未受斧鉞。爭之甚力。卽告詞果真。奪之閩民。還之閩民。原不爲過。况惡監之劫奪撫道。拘囚府佐。在明旨未下之先。誣詞捏告。擾害地方。反在明旨撤回之後。則其咆哮愈肆。視閩中幾無人矣。執一府佐。復驅一府佐追賊。可乎。不可乎。所追之民。係一病夫。萬一刑威稍加。斃之庭下。使人謂府君殺百姓以媚罪監。寧不貽天下萬世羞哉。不特此也。當東奔西逐之時。愚民之得財者。奚止一兩人。重於好財。輕於爲亂。情也。忽聞府館追賊。人人自危。肘腋之間。更生叵測。則所害愈大。龔公唯唯。欲以所追賊物解道。弟索於堂上。將盡付烈燄。龔公苦甚而止。遂收之庫。越二日。見撫臺以此事相告。撫臺亦心首俱肯。於是出示嚴禁監棍。八閩歡聲雷動。呂公見弟杜門乞休。撫公屬吏見留至再三。見於海道申文。弟欲刻期戒行。會生童畢集省城。廿一廿二。勉出以完試事。題不□□。去則窮日之力。皆成罪案。廿三日。進見撫臺。思一吐衷曲。撫臺怒形於色。不復以禮回署。亟整頓空囊。驅車南向。士民聞之。入府號泣者。凡三日。赴院司道。懇留者。以千萬計。廿五晨起。弟婦與奴子輩俱已登輿。軍民擁街遮路。不得行。且云。公去。當殺太監。劫中丞。衆心洶洶。撫臺遣官慰留。吾鄉黃戎伍者。若施若朱。力阻。且以府篆羈身。無人肯代。二三共事者。復遺書曰。閩城黎庶。咸云罷市。九邑士子。盡望秉衡。萬一肘腋之間。復生他變。奈何奈何。於是勉留視事。不意閩海波濤。一至是也。恐知已懸念。言其大略如此。仕途荊